

Fegl da lavur

Miu plaid-clav segir

El cass ideal drovan ins per mintga plattaforma d'internet in auter plaid-clav e mida quel regularmein. Aschia eis ei denton grev da tener endamen tut ils differents plaids-clav. Arcunar il plaid-clav sil computer ei buc ina metoda segira, nun ch'ins drovi ina software speciala. Igl ei era buc ideal da nudar ils plaids-clav. Sche auters anflan la notizia, han els access a tes contos. Per memorisar plaids-clav difficils dat ei in tric:

1. Fai ina construcziun, in gidamemoria che ti sas tener endamen bein, p.ex.:
Jeu frequentel fetg bugen l'instrucziun en nossa scola!
2. Per ch'il plaid-clav seigi aunc pli segirs, sas ti p.ex. scriver cun bustabs gronds tut ils nomens, sco per tudestg:
Jeu frequentel fetg bugen l'Instrucziun en nossa Scola!
3. Pren ussa ils emprems bustabs da tut ils plaids: **JffblenS!**
4. In pèr bustabs sas ti remplazzar cun diemblers ni segns specials, p.ex.: **Jff6@lenS!**

In plaid-clav segir consista da **silmeins diesch** segns: bustabs gronds e bustabs pigns, diemblers e segns specials.

Emprova ussa tez da crear plaids-clav segirs. Fai sunter l'emprova al computer per mirar con segirs che tes plaids-clav ein.

Attenziun! Drova buca tes vers plaids-clav pil test!

gidamemoria	plaid-clav	adempliu il test silla pagina-web
		<input type="checkbox"/>
		<input type="checkbox"/>
		<input type="checkbox"/>